



[www.BibleForChildren.org](http://www.BibleForChildren.org)



San Juan 14



Agüiye pepiatiti. Perovia Tumpa re. Perovia vi cheré  
—jei—. CheRu jenta pe ime jeta o. Jucuarãi'ã yave,  
amimbeuta tēi co peve. Aata ayapicatu perendarã  
—jei Jesús chupe reta—. Jare aa ma yave ayapicatu  
perendarã, ayu yeta puraa vaerã, pe reta vi pico vaerã  
che aicota vae  
pe —jei—.



Che co jae periquei Juan, Jesús re yarovia ramo.  
Che vi aiporara aĩ pe reta rami Tumpa  
iporoyocuia jeco pegua, jare

chepiaguasu pe reta  
pepiaguasu rami.



Che aĩ ivi i mbite pe oĩ vae Patmos jee vae  
pe penti peresorã Tumpa iñee amimbeu jare  
Jesús regua chemiari ramo.



Jare jupivoiño Espíritu Santo imbaepuere rupi aecha  
penti guapia ara pe jare quía uguapi oĩ guapia pe.




Jayave opaete ara pe jare ivi pe jare ivigüi pe jare i  
guasu pe ñugüinoi vae reta ayandu jei:

—Tuyembioraca guapia pe  
uguapi vae jare Ovecha-rai jaeño  
mai pegua. Ñamee yasurupai  
tuicha chupe reta. Tugüinoi reta  
opaete  
mbaepuere.



Jare che etei aecha jocua tenta guasu uñeño tee  
Tumpa peguarã vae - jae co Jerusalén ipiauí vae -  
ugüeyt ou Tumpa oĩ vae güi ara güi. Uyeyapıcatu oĩ  
penti cuñatai umendata vae rami. Jare ayandu penti  
ñee ara güi.



Iñeeãta reve jei: —Mase, Tumpa ime ma ico ivi pegua  
reta ndive. Jae icota jae reta ndive. tví pegua reta  
yugüirecota Tumpa imbaerã, jare Tumpa icota jae reta  
ndive. Tumpa eteiño icota jae reta iTumparã —jei—.



Jayave ángel uechaca cheve i usiri vae iquía mbae vae. Jesãca ete. Vidrio echa cheve. Tecove opa mbae vae pegua co jocua i. Oẽ usiri Tumpa jare Ovecha-rai iguapia güi.



Jare tenta guasu pegua reta ueca'ã guarasi jare yasi  
umiembipe vaerã. Echa'ã Tumpa jare Ovecha-rai  
jocua tenta guasu pegua reta jembipe co.




Ërei ndarau etei  
uique jocua tenta  
guasu pe ipotave  
iquia vae jare ipotave  
pichñi vae uyapo vae  
jare ipotave iyapu  
vae. Jaeño  
Ovecha-rai ilibro  
tecove opa mbae  
vae pegua pe jee  
uyecuatía oĩ vae reta  
uiqueta joco pe.




Jare Tumpa oyoeta opaete  
jesai reta. Ndarau ye quía  
umano. Ndarau ye quía ipiatiti.  
Ndarau ye quía uyao. Ndarau  
ye mbae jasi quía pe. Echa'ã  
mbaembae tenonde ico vae  
reta mbaeti ma —jei.




Jare ndarau ma oĩ yepipeyu ivi re. Echa'ã Tumpa jare  
Ovecha-rai iguapia oĩta joco pe. Jare Tumpa jembiocui  
reta uyeyocuita chupe. Jare jae reta uechata Tumpa.  
Jare güinoita reta  
isiva re Tumpa jee.



Jare aecha umanocue vae reta uyemboi ñugüinoi  
Tumpa jovai. Sambiai reta jare ucuacuaa vae reta  
uyemboi ñugüinoi joco pe. Jare uyepea oĩ libro reta.  
Jae ramiño vi uyepea oĩ ñru libro. Jocua libro uicuaaca  
quía tecove opa mbae vae güinoi vae.  
Jare umanocue vae reta uñeãaca penti  
penti uyapocue vae rupi. Echa'ã  
penti penti uyapocue  
vae uyecuatía oĩ libro  
reta pe. Jare jee  
uyecuatia'ã jocua libro  
tecove opa mbae vae  
pegua pe vae penti  
penti uyemomboca  
tata guasu pe.



Jare Espíritu Santo jare Ovecha-rai ndive umendata  
vae jei: —Eyu. Jare uyandu vae tei: —Eyu. Iúe vae  
ipuere ou cua pe. Ipotave vae ipuere jou i tecove opa  
mbae vae pegua jepi mbae reve.



Echa'ã Tumpa uau ete ivi pegua reta.  
Jáeramo umee Tai jae vaeño, ipotave  
gütrovia jese vae güinoi vaerã tecove  
opa mbae vae. Ndarau  
oo cañitei pe.



Romanos 3:23 Echa'ã opaete vae iyoa vae reta co. Tumpa ipuere'ã jei penti ave re: “Cua co jae jupi vae.”

Romanos 6:23 Echa'ã mbaeyoa uyapo vae umanota co. Ërei regalo Tumpa umee yandeve yandeYa Cristo Jesús rupi vae tecove opa mbae vae co.

Hebreos 9:27 tvi pegua reta umano, ou uvãe yave ara umano vaerã. Jare umano yave Tumpa uãata co.

Ephesians 2:8,9 Echa'ã Tumpa yanembiasa ipiacavi jeco pegua, yapurugüirovia ramo. Yande yamingana'ã etei yembiasa. Jae co Tumpa umeeiño yandeve vae.

Mbaeti quía ipuere umingana yembiasa ipotave mbaraviqui rupi, agütye vaerã quía ipuere jei: “Cheparaviqui rupi co amingana yembiasa.”



Romanos 10:9,10 Nde ndere yave: “Jesús co jae cheYa”,  
jare nderovia yave ndepia pe Tumpa umbijecove ye co  
Jesús güeru umanocue vae reta ipite güi, ndiyembiasacata  
co.

Echa'ã ndepia pe nderovia yave, ndiyembujupicata co, jare  
ndere yave: “Jesús co jae cheYa”, ndiyembiasacata co.

San Juan 3:16,17 Echa'ã Tumpa uau ete ivi pegua reta.  
Jáeramo umee Tai jae vaeño, ipotave güirovia jese vae  
güinoi vaerã tecove opa mbae vae. Ndarau oo cañitei pe.  
Tumpa ombou Tai ivi pe, ivi pegua reta uyembiasaca  
vaerã jae jeco pegua. Tai ou'ã uãa vaerã ivi pegua reta.



1 Juan 5:11-13 Jare Tumpa umimbeu yandevé cua: Jae umee yandevé tecove opa mbae vae. Ime ñanoi cua tecove opa mbae vae Tumpa Tai re yarovia ramo. Tumpa Tai güinoi ipia pe vae ime güinoi tecove opa mbae vae. Tumpa Tai güinoi mbae ipia pe vae güinoi'ã tecove opa mbae vae.

Pe reta perovia Tumpa Tai jee re. Jáeramo aicuatía cua peve picuaa vaerã penoi co tecove opa mbae vae.



San Juan 14; 2 Corintios 5;  
Apocalipsis 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Guaraní Pe, Western NT (gnw) © 2012, Wycliffe Bible  
Translators, Inc. All rights reserved.

<https://www.bible.com/bible/606/MAT.1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

